

SARS E KGOPELA BAEMEDI BA BALEFELA MOTŠHELO BA DITRASETE GO NGWADIŠA BAKENG SA MORERO WA MOTŠHELO WA LETSENO LE/GOBA GO FAELA DIPUŠETŠO TŠA MOTŠHELO TŠE DI ŠALETŠEGO MORAGO

Tshwane, 27 Mei 2022 - SARS e rata go eletša baemedi ba balefela motšhelo ba ditrasete ka ga mošomo wa bona wa go ngwadiša ditrasete bakeng sa morero wa motšhelo wa letseno.

Ditrasete di akaretšwa ka go tihaloso ya “motho” go ya ka Molao wa Motšhelo wa Letseno, 1962 (ITA), gomme ka lebaka leo batshephiwa goba baemedi ba balefela motšhelo ba na le maikarabaelo a go ngwadiša ditrasete ka moka bakeng sa morero wa motšhelo wa letseno. Ditrasete tšeo di hlogago go ngwadišwa di akaretša ditrasete ka moka tša selegae, ditrasete tša bao e sego badudi ba naga tšego di loaolwago ka go Repabliki ya Afrika Borwa gammogo le ditrasete tšeo e lego tša bao e sego badudi ba naga tšeo di hwetšago letseno go tšwa go mothopo wa ka Afrika Borwa (bakeng sa tlhahlo šupetša go FAQs go wepsaete ya SARS website <https://www.sars.gov.za/businesses-and-employers/trusts/>).

Baemedi ba balefela motšhelo ba ditrasete ke batshephiwa ba trasete, eupša maikarabaelo a go romela pušetšo ya motšhelo ke a motshephiwa o itšeng goba setsebi sa motšhelo. SARS e rata go gopotša batshephiwa gore go a hlokega go tiišetša gore dipušetšo tša motšhelo goba ditrasete di rometše. Gabjale trasete, e kaba e šoma goba e sa šome, e swanetše go romela pušetšo ya motšhelo wa letseno ngwaga ka ngwaga go ya le dinyakwa tšeo di phatlalatšwago ngwaga ka ngwaga ke Khomišinare (bjale ka ge go nyakega go ya ka karolo ya 66 ya ITA). Bakeng sa ngwaga wa tekolo wa 2021, setlha sa go faela sa ditrasete se butšwe ka la 1 la Julae 2021.

Baemedi ba balefela motšhelo ba ditrasete ba gopotšwa ka hwetšagalo ya Lenaneo la go Bololla ka Boithaopo (VDP) go ya ka dinyakwa, ge trasete e ka se ngwadišwe bakeng sa morero wa motšhelo wa letseno. Dintlha tša VDP di hwetšagala go wepsaete ya SARS go <https://www.sars.gov.za/legal-counsel/voluntary-disclosure-programme-vdp/>. Ge baemedi ba balefela motšhelo ba hloka thušo enngwe, ba ka ikgokaganya le VDP go 0800 864 613 goba ka imeile go vdp@sars.gov.za.

Balefela motšhelo ba baemedi ba di trasete goba baemedi ba bona ba eletšwa go tiišetša gore dipušetšo ka moka tša motšhelo wa letseno di romelwa ntle le tiego go efoga dikotlo tša ditefišo tša go išapele le ditswala.

Khomišinare wa SARS, Edward Kieswetter o tiišeditše boitlamo bja SARS bja fana ka tihaloso le tiišetšo go balefela motšhelo gore ba kgone go fihlelela boitlamo bja bona bja semolao ntle le ditšhitišo, gomme trasete ke mokgwa o mongwe wo balefela motšhelo ba o dirišago ka mekgwa e mmalwa.

Setatamente se ga se peobaka ya sengwalwa sa maleba sa dipeelo tša Molao wa Motšhelo, 1962, goba tlhahlo yeo e lego go wepsaete ya SARS. Balefela motšhelo bao ba nyakago thušo enngwe ba ka šupetša go wepsaete ya rena go www.sars.gov.za.

Go hwetša tshedimošo enngwe, ikgokaganye le SarsMedia@sars.gov.za